

太平寰宇記

第十三冊

太平軍字記

卷十五

太平寰宇記卷之四十六

河東道七

蒲州

解州

蒲州

蒲州

河東郡今理河東縣

禹貢冀州之域史記謂申爲實沈晉

之分自畢十二度至井十五度觜參晉魏益州之

分漢蒲坂縣地屬河東郡本堯舜所都周初爲虞

芮耿楊魏之地春秋晉獻公滅魏以地賜畢萬十

代之後至文侯都方列爲諸侯文侯與韓趙同列

武侯十一年與韓趙三分晉地洎戰國時卽魏地

故三晉記云魏壽餘僞以魏叛士會旣濟而噪而
今蒲津是也又史記云惠王三十一年秦用商君
東地至河而齊趙數破我安邑近秦於是徙治大
梁秦并天下爲河東郡地漢高帝元年項羽封魏
王豹爲西魏王王河東都平陽今晉州二年豹降從
漢王在滎陽謁歸侍親疾至則絕河津反爲楚盡
有太原上黨地九月韓信虜豹定魏地復置河東
郡兩漢不改至魏少帝正始八年分河東之汾北
置平陽郡晉亦如之後魏初于河東郡置雍州延
和元年改雍州爲秦州後周明帝改秦州爲蒲州

因取蒲坂爲名仍領郡隋初罷郡大業三年又廢
州復改爲河東郡唐武德元年罷郡置蒲州治桑
泉縣領河東桑泉猗氏虞鄉四縣二年置蒲州總
管府管蒲虞泰絳邵澮六州三年移蒲治河東縣
仍舊總管府其年置溫泉縣九年又置都督府管
蒲虞芮邵泰五州仍省溫泉縣其年罷都督府貞
觀八年割虢州之永樂來屬十七年以廢虞州之
安邑解縣廢泰州之汾陰來屬開元九年改爲河
中府仍置中都時麗正殿學士韓覃上疏陳其不
可曰兩都舊制分官眾多費耗用度尙以爲當省

況更建中都乎昔漢帝感鍾離之言息幸德陽之
殿趙主採續咸之諫止造鄴都之宮臣請下明詔
罷中都則天下幸甚至七月詔停復爲州又與陝
鄭汴懷魏爲六雄十二年昇爲四輔天寶元年改
爲河東郡乾元元年復爲蒲州三年又改爲河中
府大厯中元載爲相又上建中都議曰自古建大
功者未嘗不用天因地故高祖保關中光武據河
內皆深根固本以制天下臣等考天地之心本聖
人之意驗古往之事切當今之務則莫若建河中
爲中都隸陝虢晉絳汾潞儀石慈隰等十城爲藩

衛長安去中都三百里順流而東邑居相望有羊

腸

羊腸在潞州壺關縣東南一百六十里

底柱之險濁河孟門之限

孟門慈州文城縣西南二十六里卽龍門上口

以輶輶爲襟帶與關中爲

表裏劉敬所謂扼天下之吭而撫其背卽此之謂

推是而言則建中都將欲固長安非欲外之也將

欲安成周非欲捨之也將欲制蠻夷非欲懼之也

將欲定天下非欲弱之也河中之地左右王都黃

河北來太華南倚總水陸之形勢壯關河之氣色

每歲白露旣降涼風已高陛下據金城湯池內綏

華夏命信臣驍將外馭戎狄出于仲秋還于農隙

有漕運泛舟之便無登高履險之虞不傷財不害
人得養威而時狩如此則國有保安之所家無係
虜之憂矣疏奏不省初代宗自幸陝之後每歲八
九月閒京師洶洶常懼戎寇復至雖將相之家皆
理儲糗爲行李之備載知人情不安遂獻此疏冀
因制置竊有兵權議亦博盡當時利害然代宗探
見載意議故不行皇朝爲護國軍節度

元領縣十一

今九

河東 河西 虞鄉 臨晉 寶鼎 猗氏 永

樂 龍門

萬泉

龍門萬泉自絳州割到

二縣割出

解縣

安邑

二縣入解州

州境

東西二百五十里

南北一百七十里

四至八到

東至東京九百三十六里

東至西京五百八十五里

西南至長安三百二十五里

東至絳州三百七十里

南至虢州一百七十八里

西至同州八十一里

北至絳州八十一里

東北至絳州取桐鄉路二百四十五里

西南至華州一百四十七里

東南至陝州二百四十五里

西北至同州韓城縣一百四十里

戶

唐開元戶七萬二百七

皇朝戶主二萬一千八百八十八客三千五百九

十三

風俗

漢書地理志云其俗剛強多豪傑尙侵奪薄恩禮
好生分博物志云有山澤近鹽沃土之人不才漢
興少有名人衣冠大族三代皆衰絕通典云山西
土瘠其人勤儉而河東魏晉以降文學盛興始自
魏豐樂侯杜畿爲河東守開置學宮親執經教授
郡中化之自後河東特多儒者閭市之間習于程
法

姓氏

河東郡九姓 裴 柳 薛 費 呂 滿 聶

茹廉

人物

風后

卻缺

臨晉人芮子拜大夫賜冀為采邑因稱冀缺

靈輒

臨晉人嘗

為翳桑

張儀

臨晉人

范睢

解人因須賈譖魏齊答擊幾死後易姓名

為張祿入秦

霍去病

河東平陽人

霍光

父仲孺給事平陽侯

家通侍者衛少兒生去病歸家娶婦生光少兒女弟子夫得幸武帝為后去病以皇后姊子貴幸

司馬遷

太史談子

張敞

河東平陽人為婦畫眉長安中傳張京兆眉嫵

王喬

河東人為葉縣令

焦先

河東人皇甫謐曰焦先者棄榮味釋衣裳離室

宅絕親戚閉口不言曠然以天

關漢壽亭侯

東河

地為棟宇義皇以來一人而已

柳惲

解人官太子洗馬

王通

諡文

裴寂

蒲州桑泉

也

人唐起 **薛收** 蒲州汾陰人隋內史侍郎 **王績**

通弟隱東臯著 **王勃** 通孫 **盧綸** 蒲州人官侍御

書自號東臯子 **薛元超** 收子相 **薛稷** 元超從子 **張嘉**

才子 **薛元超** 高宗 **楊國忠** 蒲州永樂人 **柳宗**

貞 蒲州猗氏人子延賞 **司空圖** 字表聖虞鄉人

元 河東人爲柳州刺史 **張巡** 蒲州河東人

土產

有鹽鐵之饒 竹扇 經紙 氍毹 五味子

天蒸棗 藺席 麻布 綿絹

河東縣 舊十三鄉 卽漢蒲坂縣也屬河東郡春秋秦

晉戰于河曲卽其地後魏移郡于縣理隋開皇三年罷郡十六年移蒲坂縣于城東仍于今理置河東縣大業二年省蒲坂縣入河東 三山在縣南三十里卽舜耕歷山處禹貢謂壺口雷首至于太岳壺口山在慈州太岳在晉州雷首在河東界此山有九名謂歷山首山薄山襄山甘棗山渠猪山獨頭山音而山等之名又湯伐桀升自陲注陲在河曲之南 三輅山郡國志三輅山北曰大輅西曰小輅東曰荀輅 長原卽蒲坂也在縣東二里漢志始皇東巡見長坂卽此也其原出龍骨又北

五十三里有朔坂卽漢水所經西南入河 堯山
在縣南二十八里水經注云河東有堯山上有堯
城卽堯所理處 風陵堆山在縣南五十里與潼
關相對有風陵城在其下 中條山經邑界 首

陽山卽在雷首山南阜也昔夷齊守節于首陽

虞坂一名吳坂在虞城北十三里 蒲津關在縣

西二里亦子路問津之所魏太祖西征馬超韓遂
夜渡蒲卽此也後魏大統四年造舟爲梁九年築
城亦關河之巨防 媯汭水源出縣南三十里首
山此二泉南流者曰媯北流者曰汭異源同歸渾

流西注而入于河卽釐降二女之所今有舜祠存
焉卽後周宇文護所造 涑水冀州圖云東從絳
郡界入至長陽城南爲陂水經云涑水出河東縣
雷首山□□□□一名雷水經桑泉界 鐵牛開
元十二年于河東縣開東西門各造鐵牛四鐵人
四其牛下並鐵柱連腹入地丈餘并前後鐵柱十
六維橋跨河至今存 故陶城在縣北三十里史
記謂舜陶于河濱卽此是皇甫謐以爲在定陶不
在此 羈馬故城在縣南三十六里郡國志云今
謂之涉邱卽左傳謂翦我羈馬 蒲坂故城郡國

志云州南二里有蒲坂城舊地理志書相傳漢蒲
坂城卽今郡所理大城後人增築大河在其西雷
首山在其南後魏太武帝神麤元年自安邑移郡
于此城 涑水故城在縣東北二十六里左傳曰
晉侯使呂相絕秦曰伐我涑川 風陵故關一名
風陵津在縣南五十里魏太祖西征韓遂自潼關
北渡卽此處也 舜祠在州理城中唐貞觀十一
年詔致祭以時酒埽 伯夷叔齊祠在縣北三十
五里 二妃陵帝舜二妃之陵在縣東一十里俗
謂娥皇女英陵 伯夷墓在縣南三十五里雷首